



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1000. Usque Ad Annum 1063

**Fleury, Claude**

**August. Vind. [u.a.], 1761**

**VD18 90117956**

§. 21. Giselerii obitus. Tagmundus Archiepiscopus Magdeburgensis.

---

[urn:nbn:de:hbz:466:1-66323](https://nbn-resolving.org/urn:nbn:de:hbz:466:1-66323)

Sæculum XI. participem. Tali honore turgidus com-  
A. C. 1004. plures opiniones fidei adversantes spar-  
 gere cœpit, & affirmare, omnia quæ  
 Poetæ cecinissent, esse credenda. Tan-  
 dem Hæresis convictus ab Archiepiscopo  
 Ravennate damnatur. Plures alii illo  
 tempore in Italia reperti, eodem errore  
 infecti, quorum pars gladio, pars flammis  
 periit. Sub idem tempus non nulli Hæ-  
 retici in Sardinia Insula, fœcunda porten-  
 torum matre, nati sunt, a quibus aliqua  
 Christianorum pars in Hispania deprava-  
 ta. Hos quoque Catholicorum pietas ex-  
 terminavit. Huic itaque tempori, quo  
 tot Hæreses pullulabant, multi congrue-  
 re crediderunt illud S. Joannis Vaticini-  
 um; Satanam expletis mille annis esse  
 solvendum.

*Apoc. 20. 7.*

§. XXI.

*Giselerii obitus. Tagmundus Archiepi-  
 scopus Magdeburgensis.*

*Chron. Sax. 1004. Ditm. l. 5. p. 57.* In Germania Henricus Rex illa negotia,  
 quæ Otto Imperator juventute impar, &  
 deinde præmatura morte occupatus non  
 potuerat, perficere adlaborabat. Inter  
 præcipua fuit, Episcopatum Mersebur-  
 gensis ab Ottone suppressum restituere.  
 Quapropter Henricus Rex Poldenæ  
 Natali Domini celebrato, anno Regni sui  
 secundo, Dorneburgum venit, unde Mag-  
 deburgum misit Willegisum Archiepi-  
 scopum

scopum Moguntinum aliosque viros sa-  
pientes, qui Archiepiscopum Magdebur-  
gensis ægrotum & de vita jam diu pe-  
riclitantem inviserent, atque Regis no-  
mine hortarentur, ut suam conscientiam  
tandem discuteret, Dei manum se evi-  
denter castigantem oscularetur, Sedem  
Magdeburgensem dimitteret, ad Merse-  
burgensem, quæ propria ipsius esset, re-  
diret, damna, quæ illum Episcopatum  
premendo intulisset, resarciret. Tandem  
vero aberat, ut hoc facere vellet Gisele-  
rius, ut, nunciis id sibi exponentibus,  
excandesceret. Paucis tamen respondit,  
se intra triduum ad Regem iturum &  
coram rationem redditurum. Itaque in  
currum a suis se levare præcipit (nam  
jam diu alio modo vehi non sustinebat)  
& ad domum suam Tiburiensem deduci,  
ubi morbo consumptus post biduum vi-  
gesima quinta Januarii anno 1004. e vita  
decessit.

Quo comperto, Henricus Rex eo ipse  
iturus, ut defuncti corpus usque Magde-  
burgum comitaretur, præmisit Nipertum  
Capellanum suum cum mandatis; Tag-  
mundum a Clericis Archiepiscopum eli-  
gi curaret. Interim vero Walthardus  
Ecclesiæ Magdeburgensis Præpositus con-  
vocatis Clericis denunciat obiisse Archi-  
episcopum, Regemque ad ipsos ventu-  
rum. Tum eorum sententiam exquirat,

D 4

quem

Sæculum XI. quem defuncti Successorem eligendum  
A.C 1004. esse existimarent. Illi una voce affir-  
 mant, quod eum ipsum (Walthardum)  
 eligerent. Sed is Dignitatem accipere  
 concinna modestia recusavit.

Cum corpus Archiepiscopi Giselerii  
 Magdeburgum fuisset delatum, & Rex  
 paulopost eo pervenisset, altera die mi-  
 fit Arnulphum Episcopum Halberstadien-  
 sem, qui Clericos & Vasallos Ecclesiæ  
 vacantis ad eligendum Tagmundum so-  
 licitaret. Respondit Walthardus Præ-  
 positus; se quidem Electioni, qua sibi  
 Dignitas Archiepiscopalis offerebatur,  
 lubenter renunciare, sed nomine omnium  
 Regem rogare, ne ipsos libertate priva-  
 ret Canonice Episcopum eligendi, & ne  
 sua ætate Ecclesiæ privilegia proculcari  
 pateretur. (\*) Hoc responso accepto  
 Rex Præpositum, & Ecclesiæ Magdebur-  
 gensis præcipuos singulos ad se vocatos  
 partim precibus, partim promissis permo-  
 vit, ut Tagmundum eligerent, cui sine  
 mora baculum pastorem, quo Arnul-  
 phus Episcopus utebatur, in signum In-  
 vestituræ hujus Ecclesiæ tradidit, & in  
 Cathedram Pontificalem populo de mo-  
 re acclamante invexit. Tum pro Gisi-  
 lero officium funebre celebratum.

Tag-

(\*) Ex hoc loco iterum cognoscimus, liberta-  
 tem Electionis Canonice non fuisse ex toto op-  
 pressam.

Tagmundus Discipulus erat S. Wolf-  
 gangi Episcopi Ratisbonensis, qui ab un-  
 guiculis ceu filium educatum, ubi ad  
 maturiorem ætatem pervenit, omnibus  
 bonis suis temporalibus præfecit, & quia  
 eundem, a se multoties commendatum,  
 tam ab Imperatore quam a Duce Bavariæ  
 magni æstimari sciebat, non dubitabat,  
 quin aliquando suus Successor futurus  
 esset. At morti proximus Wolfgangus  
 ad se accersito Tagmundo dixit: *Admo-  
 ve os tuum ori meo, & accipe a Domino  
 halitum spiritus mei, ut temperetur in  
 te ardor juventutis igne charitatis. Si  
 vero nunc Dignitate, quam habui, prive-  
 ris, scito, te post annos decem hac majo-  
 rem recepturum.* S. Wolfgango fati  
 functo anno nongentesimo nonagesimo  
 quarto Tagmundus unanimi omnium  
 consensu Episcopus Ratisbonensis electus  
 Imperatorem adit, qui hanc electionem  
 ratam habere nolens Mitram Ratisbo-  
 nensem Gebhardo Capellano suo contu-  
 lit. Hic quidem Tagmundum jubente  
 Imperatore honestissime habuit; sed  
 cum diversis viverent moribus non du-  
 ravit amicitia, atque Tagmundus ad Re-  
 giam Henrici tunc Ducis Bavariæ se con-  
 tulit, qui ob vitæ integritatem in paucis  
 dilectum postquam Imperatoria Dignita-  
 te potitus est, Archiepiscopatu Magde-  
 burgenſi, post decennium, ut S. Wolf-

Sæculum XI.

A.C. 1004.

*Ditm. lib. 5.**p. 58. Sup.**l. LVI. §. 42.**LVII. 36.*

D 5 gangus

Sæculum XI.  
A.C. 1004.

gangus prædixerat, auxit. Tagmundus multis donis Regem & Reginam, eosque qui iisdem secum ab obsequiis fuerant, ut gratum animum ostenderet, cumulavit.

## §. XXII.

*Wigbertus Episcopus Merseburgensis.*

Inde Henricus Rex Merseburgum se contulit, ut solaretur Ecclesiam tamdiu Sponso privatam, & pristinae Dignitati restitueret. Ibidem Tagmundus consecratus est Archiepiscopus Magdeburgensis in Festo Purificationis die secunda Februarii, anno millesimo quarto, ab Archiepiscopo Moguntino Willegiso, utriusque Suffraganeis, atque Papæ Legato præsentibus & consentientibus. Et quidem ab ipso Papa eum ordinari oportuisset, si præsens rerum status eam professionem suscipere permisisset. Tunc quoque Rex Episcopatum Merseburgensem Wigberto Capellano suo contulit, adjectis omnibus, quæ Gislerius huic Ecclesiæ contra fas subtraxerat, atque in signum Investituræ publice ei tradidit Baculum pastorem Tagmundi Archiepiscopi, qui Wigbertum eadem die quatuor Suffraganeis assistentibus ordinavit. Ut vero Rex damnum Ecclesiæ Magdeburgensis repararet, prædium proprii sui  
Domi-